



# KONTRATA SOCIALE KORÇË

## RAPORT MBI MONITORIMIN E PËRMBUSHJES SË PRIORITETEVE

GUSHT - DHJETOR 2021

**PËRGATITUR NGA:**  
GRUAJA NË ZHVILLIM KORÇË

## POP – PËRBALLJA E OFERTAVE POLITIKE

Gusht– Dhjetor 2021

Rrjeti “Përballja e Ofertave Politike – POP”, synon të rrisë debatin publik dhe informacionin te qytetarët si dhe orientimin e platformave drejt nevojave dhe prioriteteve të tyre. Përmes aktiviteteve projekti synon të forcojë demokracinë shqiptare, duke nxitur transparencën dhe llogaridhënien. Përballja e Ofertave Politike - POP, është një nismë e rrjetit të organizatave të shoqërisë civile shqiptare mbështetur nga Olof Palme International Centre në kuadër të një programi të financuar nga Suedia: “Shoqëria Civile, Pjesëmarrja Qytetare, Llogaridhënia dhe Ndryshimi Social” dhe National Endowment for Democracy.

**Anëtarët e Rrjetit POP janë organizatat si më poshtë:**

Qendra “Aleanca Gjinore per Zhvillim”, Tiranë;  
Qendra “Për Zhvillimin e Shoqërisë Civile”, Durrës;  
"Qendra Rinore" Vlorë;  
"Shoqata për Integrimin e Zonave Informale", Kamëz;  
Qendra "Epoka e Re", Fier;  
"Intelektualët e Rinj Shpresë", Shkodër;  
"Lëvizja Rinore për Demokraci", Pukë;  
"Qendra Rinore për Progres", Kukës;  
"Rinia për Integrim, Aktivizim dhe Sensibilizim", Progradec;  
"Hapa të Lehtë", Vau i Dejës;  
"Tjetër Vizion", Elbasan;  
"Gruaja në Zhvillim", Korçë.

*Ky Raport është Përgatitur nga Gruaja në Zhvillim Korçë në kuadër të projektit POP 2021 “Kontrata Sociale, mjet për të forcuar marrëdhëniet mes qytetareve dhe pushtetarëve” dhe nuk përfaqëson qëndrimin e Olof Palme International Center dhe National Endowment for Democracy. Gjetjet dhe qëndrimet në raport janë përgjegjësi vetëm e autorëve.*

## Tabela Përmbledhëse

Shkurtime	3
Falenderime	4
Hyrje	5
Metodologjia	6
Analiza e gjetjeve për secilin Prioritet sipas Kontratës Sociale	6

## Shkurtime

NE	Ndihmë Ekonomike
NJA	Njësi Administrative
URB	Zonat Urbane
RUR	Zonat Rurale
GADC	Qendra “Aleanca Gjinore për Zhvillimi”
OJF	Organizata Jo Fitimprurëse
KB	Këshilli Bashkiak
VKM	Vendim i Këshillit të Ministrave
PAK	Personat me aftësi të kufizuar
POP	Përballja e Ofertave Politike
MKR	Mekanizmi i Koordinuar i Referimit
MSHMS	Ministria e Shëndetësisë dhe Mbrojtjes Sociale
COVID - 19	Pandemia e Virusit Korona
Kontrata Sociale	6 prioritetet kryesore të identifikuara nga qytetarët gjatë 2021
AZHRB	Agjencia e Zhvillimit Bujqësor dhe Rural

## Falenderime

Për të hartuar Raportin paraprak të vitit të parë të monitorimit të Kontratës Sociale, bashkëpunuam me shumë aktorë e institucione. Falenderojmë Bashkinë Korçë dhe drejtoritë përkatëse, për vënien në dispozicion të informacioneve të kërkuara; Kryetarin e Bashkisë z. Sotiraq Filo z. Erion Nexhipi Kryetar I Këshillit Bashkiak Korçë për disponibilitetin e tyre në komunikimet e vazhdueshme përgjatë vitit të parë të monitorimit të Kontratës Sociale të Korçës.

Falenderojmë në mënyrë të veçantë qytetarët që pranuan t'i përgjigjeshin pyetjeve tona, anëtarët e rrjetit Përballja e Ofertave Politike (POP) si edhe një falenderim për stafin dhe vullnetarët e Gruas në Zhvillim Korçë të cilët që prej momentit të nënshkrimit të Kontratës Sociale kanë qenë në monitorim të vazhdueshëm të punës së Bashkisë dhe vendimeve të Këshillit Bashkiak.

Gjithashtu, dëshirojmë të falenderojmë **Olof Palme International Center** dhe **NED – National Endowment for Democracy** për ndihmën teknike e financiare, pa të cilët do të ishte e pamundur të hartohesh ky raport dhe të realizoheshin aktivitete të ndryshme nga Rrjeti POP.

## Hyrje

Gjatë vitit 2020, Rrjeti POP monitoroi zbatimin e kontratave sociale në 9 Bashki. Këto kontrata u hartuan bazuar në përparësitë e komunitetit në periudhën parazgjedhore 2019, dhe u nënshkruan nga kandidatët për kryetarë. Gjatë vitit të parë të mandatit në të gjitha bashkitë, u adresuan plotësisht 17% e prioriteteve, pjesërisht 58% e tyre dhe 25% e prioriteteve nuk janë adresuar akoma. Në këto kohë të vështira ku pandemia COVID-19 ka luajtur një rol të rëndësishëm është e nevojshme të përfshihen më shumë aktorë sesa vetëm qeveria dhe qytetarët. Këta aktorë mund të jenë përfaqësues të biznesit, shoqërisë civile, sindikatave, etj. Prandaj, ky ishte edhe një nga qëllimet e POP gjatë vitit 2021 për përfshirjen e më shumë aktorëve në diskutime dhe vendimmarrje. Për më tepër, një qëllim tjetër i POP është që, përmes bashkëpunimit secila Bashki apo Kryetar i Bashkisë të përmbushë përparësitë e Kontratës Sociale brenda vitit 2023.

### **Organizata Gruaja në Zhvillim Korçë u bë pjesë e Rrjetit POP në vitin 2021 duke filluar aktivitetet e saj në muajin maj 2021.**

Forumi për deklarimin pas nënshkrimit të Kontratës Sociale<sup>1</sup> Korçë u organizua në datë 27 korrik 2021<sup>2</sup>. Kryetari i bashkisë Korçë z. Sotiraq Filo, mori përsipër që prioritetet kryesore të pasqyruara në këtë kontratë dhe të dala nga komuniteti i Korçës do të jenë përparësi edhe e punës së tij gjatë mandatit deri në vitin 2023 kur do të zhvillohen zgjedhjet e ardhshme lokale.

Gjatë vitit 2021, projekti i POP vazhdon me “Kontrata Sociale si një mjet për të forcuar marrëdhëniet mes qytetareve dhe pushtetarëve”, duke vijuar monitorimin dhe bashkëpunimin mes aktorëve kryesorë për përmbushjen e prioriteteve të qytetarëve.

Ky raport vlerëson progresin e bërë në realizimin e prioriteteve të Kontratës Sociale për periudhën gusht – dhjetor 2021.

### **Gjatë kësaj periudhe organizata kishte si qëllim:**

- Të monitorojë Këshillin Bashkiak dhe veprimtarinë e Bashkisë për marrjen dhe zbatimin e masave në kuadër të adresimit të prioriteteve të Kontratës Sociale;
- Të raportojë gjetjet dhe rekomandimet;
- Të lobojë dhe advokojë për përmbushjen e prioriteteve të qytetarëve, sidomos në kuadër të dimensionit social, transparencës dhe llogaridhënies.
- Angazhimin e grupeve qytetare në fushata advokimi dhe lobimi për përmbushjen e prioriteteve të Kontratës Sociale.

<sup>1</sup> <https://popnetwork.al/korce-kontrata-sociale/>

<sup>2</sup> <https://popnetwork.al/firmoset-kontrata-sociale-me-bashkine-korce/>



## Metodologjia

Për të realizuar raportin, Gruaja në Zhvillim Korçë, anëtare e rrjetit POP u bazua në hapat e mëposhtëm:

- U monitorua puna e Bashkisë Korçë dhe vendimet e Këshillit Bashkiak për periudhën **gusht – dhjetor 2021**;
- U dërgua një letër-kërkesë me email për informacion, drejtuesve të Drejtorive dhe Departamenteve përkatëse, sipas prioriteteve të Kontratës Sociale.
- U organizuan takime me përfaqësues të bashkisë, Administratorë të Njësive Administrative dhe qytetarë të Korçës, mbi ecurinë e punës sa i përket përmbushjes së prioriteteve të komunitetit;
- U monitorua në vazhdim puna e Këshillit Bashkiak Korçë, mbledhjet e organizuara gjatë pandemisë si edhe mbledhjet në vend.
- U monitoruan takimet e ndryshme të përfaqësuesve të Bashkisë përmes TV dhe medias sociale.
- U monitoruan vendimet e Këshillit Bashkiak mbi masat e marra nga vetë Bashkia, në lidhje me komunitetin në përgjithësi dhe me disa target-grupe në veçanti, si dhe veprimtaria e anëtarëve të Këshillit Bashkiak.
- U analizua dhe monitorua buxheti i bashkisë për vitin 2021 – 2022 si dhe shpenzimet respektive bazuar në open-data;
- U monitoruan dhe analizuan vendimet e KB që kanë lidhje me prioritetet e Kontratës Sociale bazuar në punën e rrjetit POP apo edhe nga faktorë të tjerë të jashtëm, të tipit: parashikime të mëhershme në buxhet, plane afatshkurtra apo/dhe afatgjata, puna e organizatave të tjera të cilat mund të kenë ndikuar në përmbushje (organizata qeveritare, organizata ndërkombëtare me projekte apo edhe kombëtare).
- Analizimi i monitorimit të mediave audiovizive dhe on line, në lidhje me sa më sipër sipas fushave specifike.

## Analiza e gjetjeve për secilin Prioritet sipas Kontratës Sociale

### Gjetjet nga monitorimi dhe informacioni i Bashkisë Korçë

**Prioriteti 1: Ndërrhyrje me investime që përmirësojnë infrastrukturën dhe rrugët dytësore për bashkinë Korçë në njësitë administrative:**

Në takimin konsultues mbi ndryshimet e propozuara në paketën fiskale për vitin 2022 dhe projekt buxhetin për vitin 2022 është theksuar që momentalisht nuk ka diçka konkrete por do

të vazhdohet me investime në rrugët si në qytetin e Korçës edhe në ato të zonave rurale.

**Prioriteti 2: Rehabilitimi dhe mirëmbajtja e ndërtesave arsimore të sistemit shkollor parauniversitar.**

**Njësia administrative Korçë (qyteti Korçë):** Rikonstruksioni i gjimnazit “Themistokli Gërmenji” ndërrimi i dritareve të cilat janë shumë të amortizuara dhe ulin efikasitetin e ngrohjes gjatë muajve të dimrit dhe ndërimi i kaldajës.

Për këtë prioritet, duke ju referuar diskutimeve në mbledhjen e Këshillit Bashkiak të muajit shtator 2021 mendohet të krijohet mundësia për një rikonstruksion të plotë të kësaj shkolle, gjithashtu edhe shtesa në ambjente. Po shikohet mundësia për të aplikuar në grante të ndryshme dhe 30% e shumës totale që nevojitet për këtë ndërhyrje (një shumë rreth 30 000 000 Lekë) do të financohet nga bashkia.

**Njësia administrative Qender Bulgarec:** Shtimi i numrit të tualeteve në shkollën e fshatit Bulgarec.

Për këtë prioritet një peticion është dorëzuar pranë Këshillit Bashkiak Korçë, nëpërmjet të cilit është kërkuar ndërhyrje në mjediset e brendshme të shkollës 9 – vjeçare” Sotir Beçka” në fshatin Bulgarec, shtimin e tualeteve për fëmijët e grupmoshës 3- 6 vjeç dhe ndarjen e mjediseve të kopshteve nga ato të shkollës. Për çfarë është kërkuar në këtë peticion është diskutuar përgjatë takimit konsultues mbi ndryshimet e propozuara në paketën fiskale për vitin 2022, projekt buxheti për vitin 2022 edhe në mbledhjen e Këshillit Bashkiak për muajin nëntor. Ky prioritet ka patur mbështetje nga këshilltarët. U premtua se do të shihet me kujdes nga ana e bashkisë si propozim dhe në vijim ka patur reagime nga bashkia e cila ka dërguar një punonjës nga drejtoria përkatëse pranë shkollës për të shqyrtuar ambjentet nga afër dhe në vazhdim është bërë vlerësimi edhe nga një arkitekt. Pavarësisht reagimit pozitiv deri tani nuk ka një përgjigje zyrtare, por mendohet se punimet mund të fillojnë pas muajit maj 2022.

**Prioriteti 3: Nxitja e politikave të punësimit për të rinjtë nëpërmjet incetivave për nxitjen e biznesit dhe krijimin e vendeve të reja pune për ta.**

- Është miratuar në paketën e re fiskale për vitin 2022 përjashtimi nga taksat për bizneset e ngritura nga të rinjtë që janë diplomuar në harkun kohor 2020- 2021 për vitin e parë të ushtrimit të aktivitetit të tyre;
- Po shihet mundësia për ta fuqizuar më tej Programin TIC që ka filluar por njëkohësisht (po llobohet me donatorë) do të mundesojë hapjen e vendeve të reja pune për të rinjtë.

**Prioriteti 4: Përmirësimi i cilësisë së pastrimit në disa zona.**



- Gjatë takimit konsultues mbi ndryshimet e propozuara në paketën fiskale për vitin 2022 dhe projekt buxhetin për vitin 2022 është vënë theksi se do të ketë ndryshime në buxhet në lidhje me pastrimin me 8%. Buxheti afatmesëm dhe drafti për 2022 do ti ketë të gjitha zërat me rritje.

**Prioriteti 5: Të shtohet numri i çerdheve në qytetin e Korçës.**

- Gjatë takimit konsultues mbi ndryshimet e propozuara në paketën fiskale për vitin 2022 dhe projekt buxhetin për vitin 2022, nga qytetarët u kërkua shtimi i numrit të çerdheve. Pvarësisht se së fundmi është ndërtuar një çerdhe e re, Kryetari i Bashkisë z. Sotiraq Filo deklaroi se do të shikohet mundësia për të aplikuar në programe të ndryshme për të mundësuar ndërtimin e një çerdheje tjetër të re.

**Prioriteti 6: Krijimi i lehtësive në nivelin e taksave/tarifave për kategoritë në nevojë dhe ulja e tyre për OJF-të.**

**Tashmë është miratuar paketa fiskale për vitin 2022 dhe rezultojnë gjetjet si më poshtë:**

- Përfshirje nga tarifave vendore (pastrim, ndriçim, gjelbërim, mirëmbajtje varrezash) për familjet, kryefamiljari i të cilave përfiton ndihmë ekonomike. (881 familje);
- Përfshirje nga tarifave vendore (pastrim, ndriçim, gjelbërim, mirëmbajtje varrezash) për familjet, kryefamiljari i të cilave përfiton vetëm pension pleqërie/ pension social kur familja përbëhet vetëm nga një pensionist. (2102 pensionistë);
- Ndryshim të nivelit të tarifave vendore (pastrim, ndriçim dhe gjelbërim) për kategorinë e subjekteve që operojnë në fushën e transportit të udhëtarëve me mjete me kapacitet 1+4 dhe 1+8, biznes i vogël;
- Ndryshim në nivel të tarifës së pastrimit për kategorinë e organizatave jo-fitimprurëse;
- Ndryshim në bazën e tarifimit në lidhje me aplikimin e tarifës vjetore të shërbimit dhe mirëmbajtjes së rrugëve të parcelave dhe tarifës së shërbimit dhe mirëmbajtjes së sistemit kullues;
- Përfshihen nga pagesa e tarifave për vitin 2022 të gjitha subjektet të cilat do të zhvillojnë për herë të parë aktivitet dhe regjistrohen nga studentët të diplomuar në universitete brenda dhe jashtë vendit, gjatë vitit 2020 dhe 2021;
- Përfshihen nga pagesa e tarifave lokale (pastrim, ndriçim, gjelbërim, mirëmbajtje varrezash) për të gjithë subjektet që do të regjistrojnë dhe ushtrojnë për herë të parë aktivitetin e tyre në fushën e ICT (teknologji e informacionit), aktivitetin e tyre në fushën e institucioneve arsimore private si dhe ato subjekte që do të ushtrojnë aktivitetin e tyre në fushën e arsimit privat plotësues ose jo-plotësues, organizimit të trajnimeve dhe kualifikimeve në fusha të ndryshme profesionale.

## **PLANIFIKIMI STRATEGJIK**

**Prioriteti 7: Hartimi i plane- programeve konkrete me ndikim në komunitet për mbrojtjen e mjedisit, si dhe monitorimin sa më të mirë të ndotjes së ajrit të ujit.**

Gjatë takimit konsultues mbi ndryshimet e propozuara në paketën fiskale për vitin 2022 dhe projekt buxhetin për vitin 2022 Kryetari i Bashkisë Korçë z. Sotiraq Filo deklaroi se po shikohet mundësia e ndërtimit të një paku për prodhimin e energjisë diellore. Do të ishte efiçiente edhe për faktin sepse çmimi i paneleve ka rënë ndërsa çmimi i energjisë do të rritet. Për të mundësuar ndërtimin e këtij parku për momentin ka pengesa ligjore, por pas një viti mendohet të bëhet diçka. Kjo do të kishte një impakt të mirë në ambient.

# KONTRATA SOCIALE

**POP**

PERBALLJA  
OFERTAVE  
POLITIKE

## PËRBALLJA E OFERTAVE POLITIKE

### PRIORITETET E KOMUNITETIT BASHKIA KORÇË KORRIK 2021

Përballja e Ofertave Politike - POP, është një nismë e rrjetit të 12 organizatave të shoqërisë civile shqiptare

#### Prioritet 1: ●

**Ndërhyrje me investime që përmirësojnë infrastrukturën dhe rrugët dytësore, për bashkinë Korçë në njësitë e mëposhtme:**

##### **Njësia administrative Korçë (Qyteti Korçë)**

Vendosja e sinjalistikave, tek Trekëndëshi dhe Dritat e Verdha, pasi shpesh kanë ndodhur aksidente. Lagjja 15 ka nevojë për semafor, pasi po bëhet burim aksidentesh.

**Rajoni 1:** Përmirësim i trotuareve tek Rr. "Theodor Kavaljoti", Lagjja 10 (Blloku i Francezëve), ku jetojnë 29 familje të komunitetit Rom, përmirësimi i ndriçimit dhe pastrimit.

**Rajoni 2:** Asfaltimi i rrugëve "Mihal Ciko", "Naum Karanxha", "Koli Çeku" (Lgj. 4). Paisja me trotuare i rrugëve "Naum Karanxha", "Koli Çeku" dhe "Aleksandra Ilo" (Lgj.4).

**Rajoni 3:** Asfaltimi i rrugëve "Thanas Rëmaçka" (Lgj.6) dhe rrugët dytësore tek rruga e Leshpunueses (Lagj.18).

##### **Njësia administrative Qendër Bulgarec**

Ndërhyrje për të asfaltuar rrugët që lidhin fshatin me zonat jashtë njësisë administrative.

Konkretisht, rruga Bulgarec-Çiflig është e paasfaltuar, ndërsa rruga Bulgarec-Shamoll ka vetëm një shtresë të shtuar me çakull. Të pajisen rrugët kryesore të fshatit me trotuare dhe specifikisht në Rrugën e Krishterëve. Pajisja me ndriçim i të gjitha rrugëve të fshatit Bulgarec. Ka mungesë ndriçimi në 20% të rrugëve të fshatit, atje ku ka shtëpi të veçuara. Paisja me ndriçim tek Rruga Nacionale që përfshin zonën prej Urës së Dunavecit, deri tek "Delta".

##### **Njësia administrative Drenovë**

**Fshati Mborje:** Asfaltimi i rrugës prej shkollës deri në qendër dhe Rr. "Pavlo Sholla". Sistemimi i ujrave të zeza në rrugën e Koresë, Ulicës dhe Kasabasë. Paisja e rrugëve me ndriçim, sepse ka ndriçim vetëm në rrugët kryesore.

##### **Njësia administrative Mollaj**

**Fshati Mollaj:** Asfaltimi i rrugës së Sallatashit. Përfundimi i rrugëve "Haxhi Sherif" dhe "Xhamia". Shtrimi i rrugëve drejt parcelave bujqësore.

#### Prioritet 2: ● Reabilitimi dhe mirëmbajtja e ndërtesave arsimore të sistemit shkollor parauniversitar.

##### **Njësia administrative Korçë (Qyteti Korçë)**

- Rikonstruksioni i gjimnazit "Themistokli Gërmenji": ndërimi i dritareve, të cilat janë shumë të amortizuara dhe ulin efikasitetin e ngrohjes gjatë muajve të dimrit dhe ndërimi i kaldajës. Rikonstruksion i dritareve dhe tualeteve tek gjimnazit "Isuf Gjata" (Gjimnazi 3), brenda ambienteve të së cilës ka shumë lagështi duke ndikuar në ngrohje. Ndërtimi i një palestere për këtë shkollë.
- Ndërhyrje në ambientet e brendshme të shkollës nëntëvjeçare "Asdreni", si dhe tek këndi sportiv i saj, i cili është jashtë parametrevë sportivë. Rikonstruksioni i shkollës "Ismail Qemali".

##### **Njësia administrative Qendër Bulgarec**

Shtimi i numrit të tualeteve në shkollën e fshatit Bulgarec, të cilat përdoren nga tre grupmosha të ndryshme. (kopësht, arsimit i mesëm i ulët dhe arsimit i mesëm i lartë). Ka pamjaftueshmëri të tualeteve në këtë shkollë. Ndërtimi i një palestere dhe një ambienti për argëtim dhe lojra jashtë orarit shkollor. Për këtë qëllim u propozua nga banorët që të shfrytëzohet një mjedis i lirë pranë shkollës.

##### **Njësia administrative Drenovë**

Ndërtimi i një këndi sportiv në shkollën e fshatit Mborje në territorin pas shkollës.

##### **Njësia administrative Mollaj** Shtimi i numrit të tualeteve në shkollën e fshatit Mollaj, të cilat përdoren nga tre grupmosha të ndryshme.

Izolimi i lagështisë tek shkolla e fshatit Mollaj, e cila ka ajër shumë të rënduar për shkak të lagështisë dhe amortizimit.

#### Prioritet 3: ● Nxitja e politikave të punësimit për të rinjtë nëpërmjet incentivave për nxitjen e biznesit dhe krijimin e vendeve të reja të punës për ta.

#### Prioritet 4: ● Ritja e ndihmës për grupet në nevojë për shërbime të kujdesit shoqëror.

**Mborje:** Kërkohet të jepet ndihmë për strehim për familjet në nevojë dhe sidomos atyre me fëmijë me nevoja të veçanta.

**Korçë:** Të ketë më shumë shërbime për gratë me fëmijë me aftësi të kufizuara. Për këto familje të paktën njëri nga prindërit të jetë i siguar ose i punësuar; Përmirësimi i kushteve tek Qendra e të moshuarve.

#### Prioritet 5: ● Trajtim me prioritet i programeve që nxisin përmirësimin e kushteve të jetesës, strehimin dhe integrimin në punë dhe shoqëri të komunitetit Rom dhe Egjiptian.

**Strehimi:** Zona e ish-Gjeologjikes, konvikti i shkollës bujqësore, konvikti tek shkolla "Demokracia". Për momentin kërkohet nga qytetarët dezinfektimi i ambienteve, t'u sigurohet ujë i pijshëm dhe restaurim i konvikteve ku ata banojnë në këto zona.

**Arsimi:** Kërkohet që t'u jepet mundësi fëmijëve të komunitetit Rom dhe Egjiptian të regjistrohen dhe të frekuentojnë kopshtet me drekë pa pagesë, pavarësisht statusit të papunë të prindit.

#### Prioritet 6: ● Bashkia të ndërtojë mekanizma të unifikuar dhe efektiv për Buxhetimin me Pjesëmarrje, për të identifikuar sa më shumë problematika që lidhen me komunitetin, të marrë këndvështrimin e qytatërëve mbi vendimmarrjet më të rëndësishme.

- Të përdorë edhe forma të tjera konsultimi përveç takimeve me komunitetin;
- Të mundësojë përfshirjen e gjerë të komunitetit në këto procese;
- Të raportojë sistematikisht në komunitetet se sa prej mendimeve të tij janë reflektuar në vendimmarrjet e saj.

